

欽定剿平粵匪方略

欽定剿平粵匪方略卷三百三十九 癸亥年

四月初一日 丁丑 沈葆楨奏 二月二十五日許

村碣石之賊分竄藍田胡村山坑一帶道員王文瑞飭副將鄧榮達抽隊助防該逆分路進犯鄧榮達等開礮斃賊甚夥賊卻而復前總兵丁長勝督兵分抄極力衝突賊遂披靡追殺十餘里斃賊三四百名據生擒賊供僞襄王劉官方

僞總統天將劉官幅各率萬餘人由廣德甯邑
而來昨從許村各處竄至藍田一帶欲攻破漁
亭由婺竄江旋聞賊衆屯踞五章橋西小溪口
又有由九章橋渡河者我軍潛伏不動巳午之
交鄧榮達等出其不意突出街口丁長勝督隊
抄擊後路賊衆蒼黃失措紛紛投河丁長勝等
合力掃蕩沿途賊屍枕藉逆首劉官幅經外委

謝聘賢矛刺墜馬擒之旋自觸石而死計殺斃
溺斃賊匪約三千餘人生擒悍賊二百六十三
名旗幟七八百桿洋礮洋槍擡槍各數十件僞
襄王劉官方等復糾合僞對王洪春元僞顧王
吳如哮等分踞夥縣各鄉由虎嶺分擾柏溪等
處距祁城二三十里王文瑞密令防祁五營分
路潛出並飛飭丁長勝等向小嶺橫抄會商皖

南道葉兆蘭調勇五百餘名繼進先由長里衝
柏溪之中斃悍賊數十名賊漸分隊包抄適喻
勝榮從金字牌一帶擊敗零股繞出柏溪之右
羅瑞山由畢家亭抄出柏溪之左楊海泰由長
里出白塔郭德馨由板溪山小柏溪同時並至
五路會擊賊大潰亂我軍追過虎嶺復斃賊千
餘名臣仍飭跟蹤追剿以防竄越

沈葆楨又奏言查竄撲屯溪草市之賊爲繼果
營擊敗退竄箬嶺旋有賴逆大股由巖寺街擾
及徽郡之西逆首劉姓分踞離屯溪二十五里
之長林許村一帶劉典統軍進抵屯溪會商王
沐進勦甫抵巖寺街卽見賊巢火發楚軍向衝
頭衝突王沐揮中右營從街腰橫入前左營擊
散伏賊由街尾寶塔灣包抄截殺巷戰逾時賊

斃無數賊過橋而遁現探該逆欲糾旌太各股
再到草市決戰如不得逞卽走池州等情其青
陽分竄東流逆匪爲沿江礮船所擊併歸建德
會建德羣會分三路入江其大股從陳家衝擾
石門街窺饒州者爲中路該逆搭造浮橋赴上
下游分路過河練勇力弱未能迎敵遂退至童
子渡三月初九日韓進春前隊抵陶家渡該逆

不敢徑進卽於石門洋塘一帶築壘十一日官軍進至許田橋遇賊千餘人奮力衝擊陣斬數十名賊卽敗遁其一股由秧田坂擾桃樹店窺景鎮者爲左路由太湖盤村東竄與祁門賊合其一股由東流之香口擾彭澤縣窺湖口者爲右路壘被圍練擊殺甚多湖口縣城經督臣曾國藩飛飭護總兵萬泰嚴守該逆無隙可乘遂

東併石門大股合力窺饒現在大田埠等處徧
地賊蹤據生擒賊供沿塘河者已三四萬人逆
會黃汶金胡鼎汶李遠繼均在石門一帶建德
後路尙有僞尤王僞簫王等衆均約期會攻饒
州等語臣飛飭韓進春拔隊進剿並飭段起派
定四成隊如前途有急卽令遊擊劉勝祥統之
進援屈蟠已到樂平王德榜前隊已到浮梁各

渡口饒防尙屬穩固 臣復添派虔字營馳防都
昌仁右營填紮貴溪以杜旁竄並飛咨湖南撫
臣毛鴻賓等飭道員席寶田迅統所部來江相
機協剿至皖南一帶祁門軍情日緊繼果營王
沐已由草市赴漁亭助防草市一帶經劉典派
營照料皖北賊勢猖獗鮑超援江之師已收旆
北渡扼守無爲州矣奏八

上命議政王軍機大臣傳諭左宗棠沈葆楨曰江西
道員王文瑞駐防祁門在瀛亭疊次獲勝雖有斬
擒賊未大創著沈葆楨督飭該道等相機進剿將
祁夥各鄉踞匪力圖掃蕩無稍鬆勁徽屬之巖寺
街防軍屢勝據探該逆現欲糾合旌太各股再到
草市決戰如不得逞卽改走池州等情著左宗棠
沈葆楨飭令劉典王沐等將徽州附近各鄉鎮匪

殷一律肅清如該逆糾大股來犯務當激勵各軍
痛加剿洗無任竄犯其由彭澤湖口敗竄之賊東
併石門大股合力窺饒現在大田埠石門街等處
賊蹤徧地逆酋黃汶金等欲糾合僞尤王等會攻
饒州沈葆楨已飛飭韓進春等拔隊進剿並飭段
起等軍進援布置甚屬周妥著卽嚴飭各軍以剿
爲防保固完善地方勿令匪蹤深入江省團練經

該撫勸辦亦頗得力仍當激勵地方紳團輔助官軍之不足席寶田一軍前據江忠義奏已由湖南啟行本日復諭毛鴻賓催令迅統所部赴江該撫卽派員迎提令其扼要駐紮以資得力逆匪不能逞志於皖必將上竄江西恣意蹂躪沈葆楨身任封圻責無旁貸如本省兵力不敷仍隨時與曾國藩左宗棠籌商調派勿致稍有疏失

上又命議政王軍機大臣傳諭毛鴻賓曰皖南髮逆
由建德分路入江窺伺饒州景鎮等處江省饒防
甚形喫重其祁門一路復有僞襄王等欲由婺源
入江信防亦形喫緊該省兵力單薄不敷防剿而
曾國藩所派鮑超一軍又因逆賊渡江改旆北渡
扼守無爲州江省完善之區爲皖浙諸軍後路賊
氛甚熾兵力過單設有疏虞大局均爲掣動道員

席寶田一軍昨據江忠義奏該員募勇三千現已
成軍卽日可以啟行此時距江忠義奏報之期又
將一月諒此軍已整隊在途著毛鴻賓馳檄飛催
兼程前進馳赴江西聽候沈葆楨調遣毋少逗留

初四日庚辰曾國藩奏言近日軍情金陵雨花臺

一軍撥彭毓橘北援後兵力稍單守局尙穩金
柱關蕪湖甯國等處距賊漸遠防務大鬆徽州

三面皆賊臣僅留唐義訓一軍防守徽休兩城十分單薄幸賴左宗棠派劉典王沐各營在長林梅嶺巖寺草市等處疊次苦戰獲勝沈葆楨所派王文瑞亦於漁亭七里橋等處連戰皆捷徽休祁門各城或可無虞然賊思假道徽境內犯江西其謀未嘗一日息也其嶺外石埭太平等處又有古賴劉藍各股與嶺內夥祁北面之

賊接連一片縱橫蹂躪臣飭朱品隆由青陽進
攻石埭冀掣動徽賊之後路三月二十二日大
戰獲勝仍以賊多兵寡未敢輕離青陽之本防
深入石埭之重地鮑超渡河北援之師三月十
六日始抵無爲州正欲進剿石澗埠十七日蕭
慶衍彭毓橘會合水師由黃落河進兵並約被
圍之毛有銘劉連捷等由內擊出大破賊壘賊

卡立解石澗準之圍鮑超聞重圍已解登舟仍
回上游欲再踐赴援江西之約臣聞賊大股並
未退回巢縣悉銳上竄直撲廬江乃飛檄鮑超
急登北岸往援忠逆於十九日攻撲廬江縣城
守將梁美材等登陴堅守伺隙出擊斬甚衆
賊由界河迤邐而北分竄舒城桐城一帶據搜
獲忠逆僞文將由舒城六安上竄英霍麻林宋

準一出黃州一出漢口擾犯湖北意欲掣我南岸之兵以援北掣我下游之兵以援上無非圖解金陵之圍臣以該逆規畫甚大蓄謀甚狡湖北爲數省樞紐不可稍有疏失飛咨官文嚴樹森調成大吉回駐潯口撥水師速赴武漢聞李續宜於三月初十日自湘起程擬俟其道出鄂疆卽咨令暫駐黃州會籌鄂皖大局奏入

上命議政王軍機大臣傳諭曾國藩左宗棠李鴻章
曾國荃李續宜嚴樹森曰逆賊欲解金陵之圍分
黨由徽甯窺伺江西由和含一帶圖犯湖北疊經
官文等奏聞江省饒信兩防守備尙嚴與左宗棠
派往皖南之劉典等軍聲勢聯絡賊不得逞而逆
謀竄江之意迄未少息和含一帶賊衆游弋已久
勢必欲越皖境上犯鄂疆茲據曾國藩奏集縣大

股攻撲廬江由界河分竄並搜獲忠逆僞文有將
由舒六而竄英霍分道擾犯鄂境等情該逆蓄謀
甚狡而規畫甚大總欲圖解金陵之圍此時曾國
荃兩花臺之軍自不得輒自移動墮賊詭謀石澗
埠雖已解圍巢含大股賊氛正肆鮑超之軍仍應
在北岸相機擊勦當此羣醜蓄謀紛竄皖鄂曾國
藩所督各路之軍幾有應接不暇之勢該大臣素

能鎮定惟當持以毅力用圖萬全浙滬兩軍事機
尙順節據左宗棠李鴻章各奏進攻富陽及崑山
均可得手著該督撫嚴飭各軍迅速進取左宗棠
以杭城不難卽克而難於杜賊紛竄是以不急且
夕之功固屬老謀此時賊旣紛投北岸及長江上
游圖解金陵之圍浙滬兩軍如能一克富陽以取
杭州一克崑山以取蘇郡則金陵之賊腹背受敵

或卽可收搏穴擒渠之效諒該大臣督撫等必能
因時審勢以赴事機也

同日曾國藩彭玉麟楊岳斌奏言蕪湖金柱關
水陸各營自去秋以來戰爭不休迨十一月閒
侍逆糾悍賊數萬人礮船數百號突出東壩將
犯金柱關分竄蕪湖曾國荃派武明良一營馳
紮東梁山朱洪章兩營馳紮龍山橋以爲聲援

三月初八及十三十五等日金柱關守將羅逢
元朱南桂截賊於花津上駟渡萬頃湖疊有斬
擒十七日賊之由陸路來者右至魚壩左至太
平府由水路來者已由三汊河環偏我營朱南
桂等督軍出擊焚燒四船賊始奔北二十二日
賊復犯三汊河營寨並用飛划登岸勢更洶湧
朱南桂等率隊搏戰追及河千萬化林等水營

乘勢奪船數十號斃賊千計水陸各營以該逆
屢來西岸未得一逞不若我軍東渡擊之二十
六日夜朱南桂等整旅渡河分道疾進朱南桂
令謝大洲先赴上駟渡以截青山後路而自領
所部進次卿家橋有一卡梗道我軍猝不得前
忽水師萬化林等已自下游飛槳而來面面環
擊朱南桂卽飭潘泗知等躍入卡內駢戮無遺

羅逢元一枝正攻涂家渡二壘未下適朱洪章
從青山抄來武明良亦帶隊趕至環壘奮擊賊
無一得脫者其西岸一卡一壘亦卽攻破自有
此捷賊兩月跼伏不出意謂防務可以少休不
料賊之窺伺愈深蓄計愈狡乃繞竄梅塘嘴以
上在新圩角搶渡朱洪章輕騎馳往一擊敗之
羅逢元派兵伏於花津之下而與朱南桂進次

薛鎮賊堅守不出各隊繞壘而攻水師以巨礮
傍隄轟擊賊棄壘竄至花津半爲伏軍所殺遂
由新圩角來撲朱洪章整軍出關不期另股由
萬頃湖渡過抄我卡後朱洪章撤隊急退已層
層包裹朱南桂帶隊馳援重圍始解而弁勇已
多損折賊猶疾如風雨猛撲不休朱南桂派彭
維祥堵河邊一路向世驥堵陶家灣一路仍自

帶親兵衝入查家橋街中苦戰逾時羅逢元等
分路截擊乃能轉敗爲勝羅逢元等復密約蕪
湖防兵周萬倬等水師乘賊屢挫共籌再舉分
路並進行至萬頃湖邊見浮橋一道環列賊壘
十五座賊卡賊棚延亙十餘里羅逢元等督隊
過橋直搏賊壘周萬倬等沿河燒擊彭楚漢等
復縱焚賊棚爭拔地鉞蟻附而上悉破卡壘搜

剿至上駟渡以歸賊以小股排列梅塘嘴查家
灣對岸而以大股由新圩角過河專撲朱洪章
營卡時李祥和來自金陵率師助防新圩角甫
至該處而長勝營守卡哨勇先經挫退李祥和
與吉振各營悉力堵禦且戰且走退保老營羅
逢元等聞警一面飛商彭楚漢等水師來援一
面自簡精銳倍道進發羅逢元由陸公壩繞河

而上朱南桂朱寬義由霍木山前進行未數里
彌望皆賊遂分四路衝入賊乃大潰我軍追至
新圩南河邊水師彭楚漢等亦自梅塘嘴追賊
而至一鼓蕩洗餘賊盡溺於河先是周萬倬吳
坤修兩軍勦賊於南新圩等處進踰四壘該處
近偪蕪湖不能專恃陸師乃令任星元等移師
船於清水河爲之倚護正月二十三日賊竄至

三里壩循河而下距蕪湖不遠任星元等泝流
迎擊王三錫登隄督戰右脅中槍仍揮兵衝突
將賊軍退二月初四日灣沚踞賊將犯清水河
高化祥等乘夜駛船潛往方燃礮轟發適寔營
新破西河之賊派船從清弋江下駛合力猛攻
更於晨霧中分水勇爲旱隊在街口積薪焚之
賊不及防急遽無措出巢紛竄我軍遂收復灣

江一隘旋值河水漲溢萬化林等進攻三里橋
賊壘朱洪章等亦率陸軍來會賊焚壘宵遁退
併黃池石壘之下該逆自恃岸峻壘堅列礮以
待任星元等奮力仰轟左光培登岸與水面戰
船摩壘夾擊各賊驚潰我軍立復黃池鏟平石
壘朱南桂等陸師會約彭楚漢等水營亦於次
日盡破伏龍橋護駕墩花津賊巢擒斬甚夥羣

賊遁往金寶圩溧水丹陽一帶臣等查蕪湖金
柱關兩城隘爲江界要衝又爲金陵各營後路
上年賊蹤環伺諸將士五旬苦戰幸獲保全今
又屢卻逆氛連克灣沚黃池以通甯國蕪湖之
氣實屬始終不懈所有陣亡各員弁另開清單
請卹在事出力人員可否彙入前次案內查明
奏保以資鼓勵出自

聖恩奏入

上諭內閣曰此次水陸各軍在蕪湖金柱關一帶累
月苦戰攻克三里埂黃池伏龍橋護駕墩花津各
要隘擒斬甚多在事出力員弁著曾國藩等彙案
保奏以示鼓勵其陣亡之遊擊姜固國都司潘泗
知姜兆琮守備李得貴黃洋國涂文仲向開喜楊
光才陳正復符加科宋玉廷黃茂勝千總鄒正坤

胡玉坤劉應順楊通倫甘大華印開元劉金貴李
隆升楊萬洪把總謝德發姚明海冉福順外委彭
禹明周太和劉斯興張邦早凌福清吳正才沈開
泰張開泰魏進初均著照陣亡例從優議卹都司
熊登照把總唐萬盛蕭名揚均著照傷亡例從優
議卹

初五日 辛巳 掌江西道監察御史洪昌燕奏冒訪

聞浙江省城失守時學政張錫庚與將軍瑞昌
巡撫王有齡同時殉節張錫庚之柩已達上海
經前任江蘇巡撫薛煥飭屬改殮面色如生衆
所共覩該學政見危授命大節凜然可否仰懇
恩施從優

賜卹之處出自

聖裁奏入

上諭內開曰前因浙江學政張錫庚在杭州殉難疊經諭令左宗棠等查明請卹尙未據該督撫奏聞茲據洪昌燕奏張錫庚與瑞昌等同時殉節情形自屬確實該學政家屬前於咸豐十年二月在杭州殉難此次復因省城失陷慷慨捐生忠烈萃於一門實屬可嘉可憫浙江學政刑部右侍郎張錫庚著照尙書例賜卹任內一切處分悉予開復應

得卹典該衙門察例具奏

初六日壬午官文嚴樹森奏旨查鄂省目下情形

皖豫捻匪竄擾黃州府屬皖北髮逆進擾廬江
無爲等處計圖上犯鄂事之亟實覺自顧不遑
惟陝省髮逆竄踞甯陝漢中一帶與曹藍各匪
勾結蔓延勢甚猖獗若不及早殲除則賊燄日
張爲患更無底止臣等再四籌商鄂省駐防東

北各軍既俱派赴前敵正與皖豫捻匪相持斷
難撤動刻下蒙亳巨捻幸已殲擒西路髮逆又
經遠竄與漢鄖西防務似覺稍鬆通盤計畫祇
李雲麟所部之三千三百人尙可抽調該員隨
臣等日久知其堅忍耐勞且爲略秉章所舉若
統鄂軍入秦更可與川省派出之師互相聯絡
臣等當飭該員率所部毅健全軍並添撥礮船

由鄖陽渡漢而南取道竹谿之關垵子進紮興
安府城相機布置探明川省何時進兵約期會
合進剿並令梁作楫率所部二千五百人移紮
鄖竹要隘爲該管後路聲援兼顧楚西門戶卽
爲襄鄖一帶游兵第鄂省兵力本單此次移緩
就急原係一時權宜露髮逆上犯尙須檄調該
軍沿漢而下回顧鄂疆以重根本且陝南賊勢

諸大斷非鄂力所能獨支將來李桓所募湘軍
抵陝作爲本省主兵阻其竄犯西安之路李雲
麟所部鄂軍由東而西再得川省派周達武全
軍由南而北迎頭進擊庶可三面兜剿以成犄
角之勢秦蜀鄂三軍雖各樹一幟而同辦陝南
軍事聲息自通相應請

旨飭下四川督臣迅派勁旅喻劍閣而北與鄂軍會

合以期大挫兇鋒所有該營軍火器械鄂省均已發給其所需口糧亦飭糧臺籌備但鄂省至興安程途二千數百里轉運維艱勢難剋期而至並請

飭下四川督臣將李雲麟軍餉隨時量籌協濟由川省夔州關稅項下就近撥發俾免飢潰奏入

上命議政王軍機大臣傳諭官文駱秉章嚴樹森曰

陝南郡縣匪徒麇集勢甚猖獗若不迅圖剿滅將
來蔓延愈廣不獨西安省垣可慮卽川楚邊陲亦
無安謐之日官文等現飭李雲麟率所部三千餘
人由鄖陽渡漢而南著卽飭令該員剋期進剿漢
中待援孔亟毋得株守興安城內致誤事機前因
漢南軍情緊急節經諭令駱秉章檄調周達武督
軍援剿現在賊氛甚熾恐非李雲麟一軍所能殄

滅駱秉章自當力顧大局仍遵前旨速飭周達武
星夜馳援與李雲麟兩路夾攻俾收聚殲之效如
周達武一時不能赴陝卽著藩司劉蓉出省督率
勁旅踰劍閣而北與鄂軍會合攻擊之處由該督
酌量迅速辦理李雲麟師至漢中去楚較遠所有
該營軍餉等項並著駱秉章隨時協濟俾免飢潰
仍著官文嚴樹森設法接濟毋得以道遠爲辭稍

涉推諉

同日都興阿富明阿奏言三月初八日大股逆匪復盤踞百丈鎮當飭副將林宜華等撥船分剿詎該逆於次日突竄圩塘港口遊擊熊並茂等分帶礮船星馳堵截遙見賊船聯檣銜尾將至河口原泊師船正在開礮轟擊陸賊已將近岸幸河內水淺賊無大船熊並茂等各駕小船

駛扼港門鏖戰千總鄒玉廷直進河口開礮擊
賊都司張焜沿岸轟擊陸賊後隊該逆始紛紛
潰竄是役擊壞賊船數隻斃賊甚多鄒玉廷胸
受槍傷登時殞命總統水師吳全美現親帶船
隻駐紮下游布置防剿惟江防數百餘里港汊
甚多而北岸尤屬紛歧沿江各口商船輻輳五
方雜處緝匪查奸不容稍緩臣等復派侍衛蒞

楞阿帶領馬隊百名駐紮仙女鎮副將孫文友
帶領步隊千名駐紮泰興逐日分赴下游巡探
以期防範周密鄒玉廷中槍陣亡情殊可憫應
請

飭部賜卹奏入

上命議政王軍機大臣傳諭都興阿富明阿曰圩塘
各港口偏近江陰賊巢而北岸靖江實當門戶之

衝現在南岸軍情正在得手該逆必時思北竄是
江北一帶亟宜嚴防以固藩籬此次逆匪竄擾圩
塘各港口均經我師擊退辦理尙屬得手現在該
將軍等復派總統水師吳全美親帶師船駐紮下
游布置防剿著卽督飭該總兵加意嚴防不可稍
有疏虞至北岸河汊紛歧之處現旣派侍衛芮楞
阿等帶領馬步各隊駐紮仙女鎮等處務飭該侍

衛等嚴巡下游各港口以期防範周密所有陣亡

千總鄒玉廷著交部議卹

欽定勦平粵匪方略卷三百四十 癸亥年

四月初七日

癸未

閩浙總督兼署浙江巡撫左宗

棠奏冒富陽踞逆經水師副將楊政謨等擊敗
後伏匿城中於西門安設大礮援賊復在城東
北之新橋屯踞蔣益澧由南岸渡江飭高連陞
等軍進駐新橋倡之築壘未竟援賊分股來撲
官軍開礮轟斃數十人賊卽退回據生擒賊供

僞天將謝逆僞朝將汪逆飭主將汪逆於杭嘉
等處挑選悍黨四萬餘已至新橋左右僞聽王
擁衆續至以圖抗拒溫處道魏喻義會同總兵
劉清亮偪圍富陽縣城二十四日蔣益澧移紮
新橋飭高連陞等分兩路齊進該逆先撲左路
熊建益大呼陷陣王聯芳等由田隴橫截而出
賊甫敗走後隊之賊又進熊建益等奮力衝殺

賊始奔敗陣斬悍賊四五百名當左路酣戰之時賊分兩大支撲犯中右兩路蔣益漴令徐文秀等偃旗設伏飭周廷瑞等佯敗誘之賊至伏發斬賊無數賊遂併歸右路高連陞揮軍迎敵斃騎馬賊目數名大旗悍賊數十名賊衆敗走官軍乘勢猛追賊復分股抄襲王宗元衝入賊中手刃數賊中槍陣亡張志公亦身被數創正

相持閒蔣益澧率親兵馳至高連陞等復挺矛
回鬪立斃悍賊百餘名賊始大潰官軍齊隊跟
追被戮者不下六百餘名其富陽城中踞逆見
官軍進勦援賊突出二千餘人徑撲西門營壘
曹魁甲等從旁抄殺斃賊數十名賊敗過石橋
副將楊政謨等率戰船排礮轟之又斃賊無算
查此股援賊均係首逆李秀城之黨勢頗兇悍

經蔣益漙等此次痛擊逆燄稍衰惟地方遼闊
又值陰雨兼旬難以起戰當飭諸軍相機圖之
至富陽以下潮汐甚大三板不能壓潮現製長
龍戰船並調甯波水師布興有等艇船及甯紹
台道史致諤雇募白鼉殼船十二號駛進錢塘
江助剿其新城縣城已飭遊擊賴錫光等帶營
駐守桐廬縣城以知縣楊鼎勳帶營駐守以通

餉運而壯後路力戰陣亡之守備王宗元應請
旨交部從優照遊擊例議卹

左宗棠又奏旨臬司劉典一軍調回嚴州後臣
卽飭其馳赴皖南行抵長溪適接徽防總兵唐
義訓等函稱賊已逼近徽城由巖寺街上至萬
安街北至許村南至東關賊蹤密布並據生擒
賊供僞金王鍾逆僞東平王何逆及僞梁王等

踞潛口僞主將賴逆踞巖寺街僞襄王劉官方
及僞孝王濂王等踞長林萬安街等處衆約十
餘萬劉典以賊未知我軍突至利在速攻卽日
分營進紮梅林以防賊由休甯南路繞竄並約
唐義訓王沐剋期會勦次日飭黃少春攻長林
劉典率中營從萬安街搜勦而下賊覩浙軍驟
至卽大潰退追過河西始結陣回拒另股由山

谷中竄出抄我後路劉典一面分軍截剿一面
率親兵從中橫擊賊敗向山路蹂附而遁時黃
少春等由右路進攻巖寺街已奪據山梁適王
沐馳至併力夾擊約計斃賊近萬生擒三百餘
名餘逆退往徽州北路之許村箬嶺以至藍田
一帶而僞金王濂王糾合僞天將鍾王等逆復
進踞潛口劉典移營進紮適昏霧四塞大雨如

注急令收隊而前隊已至長林猝不及收該逆
分三路來撲劉典馳往策應始將隊伍收回是
役殺賊僅百餘名而參將張顯榮等均以深入
力戰陣亡三月初一日僞金王鍾逆率黨來撲
梅林中路官軍疾起擊之左右兩路由山谷抄
出賊大敗狂奔斃賊數百名初五日鍾逆賴逆
又來撲營劉典飭左右兩路乘之追殺十餘里

陣斬悍賊數百名初七日黃少春等由東關出
潛口之右劉典由長林出潛口之左賊見官軍
隔岸遙放槍礮劉典揮軍猛擊賊卽狂竄追過
潛口十餘里斬馘數百名生擒數十名現往太
平縣縣竄去劉典已飛飭黃少春等馳赴漁亭
與王文瑞等會剿其駐防祁門之道員王文瑞
等會同劉典各軍擊敗逆首劉官方等疊勝於

漁亭祁門之閒臣維各股逆賊屬聚於徽休祁
門一帶原圖由此越竄江西現敗賊多趨黟縣
劉典一軍必殲除此股乃無後顧之虞頃據探
報甯國有另股賊匪續竄績溪其甯國旌德太
平石埭等縣仍爲賊踞劉典擊敗之賊又竄入
池州屬之建德縣逆氛漸趨江西景德鎮之防
殊爲喫緊臣前飭王德榜一軍由白沙關速回

浮景翼可稍退奔衝惟賊數太多浙軍未免爲
所牽綴前此劉典赴徽時臣屬其無分江皖相
機援勦如果皖事漸緩浙軍可敷分撥自當星
馳入江共圖埽蕩斷不敢稍事遲回所有陣亡
之參將張顯榮守備左萬明金友成懇請

飭部從優議卹

左宗棠又奏言臣查杭城被陷後學政張鵬庚

按察使甯曾綸均已殉難署布政使麟趾巷戰
至武林門中槍身死臣在嚴州詢問由杭逃出
之士民衆口僉同並派員至上海查詢由湖避
難士民據稱湖州府城被賊圍攻五月有餘嗣
以糧盡失陷知府瑞春罵賊不屈遇害湖州協
副將鄂爾霍巴圖室自焚等語除學政張錫庚
已奉

欽定四庫全書
卷一百一十五
七
旨優卹外署布政使杭嘉湖道麟趾隨同巡撫王有
齡登陴固守六十餘日城陷復督勇巷戰力竭
捐軀深堪嘉憫應請

旨照布政使例從優議卹

予諡按察使甯曾綸城陷投縋自盡洵屬大節無虧
應請

旨照按察使例從優議卹補用道湖州府知府瑞春

督率士民嬰城固守城陷之日罵賊不屈遇害
死事甚烈應請

旨照道員例從優議卹湖州協副將鄂爾霍巴固守
湖郡屢挫賊鋒城陷闔室自焚尤屬慘烈應請
旨照副將例從優議卹張錫庚麟趾甯曾綸均請入
祀浙江省城昭忠祠瑞春鄂爾霍巴並請於湖
州建立專祠其各該員家屬隨同殉難者容俟

查明請

旨旌表

同日沈葆楨奏言據道員王文瑞稟稱三月初五日探聞竄踞建德之僞堵王黃汶金等潛勾石太賴古各逆合攻祁門該道以西路空虛將漁亭兩營調回繼果營王沐亦抽隊來助該逆由桃樹嶺過新安嶺次日有騎馬賊數千冒雨

衝至西城根自大白鋪等處至離城十里許徧
地賊蹤號稱五六萬該道傳令是夜五更出隊
張左右翼分路而進至七里橋遇賊丁長勝開
礮立斃悍賊十餘人賊猶恃衆衝撲丁長勝直
搗中堅熊常富從旁抄擊賊乃逃竄追近小路
口賊大隊回撲弁勇奮力衝殺殲賊千餘賊因
而死鬪者十餘次喻勝榮匹馬當先左手受矛

傷馬前足亦被斫斷猶力戰不退百長彭友年
身被十餘創血戰而死丁長勝等鼓譟直前適
左右兩路橫抄而至圍而殲之免脫無幾其藏
匿山林者亦經鄉團搜殺甚夥共計生擒八百
六十五名此次各將士以少擊衆屢獲奇捷洵
足屏蔽江右厥功甚偉其出力及陣亡員弁應
由左宗棠查明辦理

沈葆楨又奏言僞哮王胡鼎汶等由龍船渡率馬步數千徑犯梅源橋團長程發達等豫伏橋左殺斃百餘名韓進春派隊至陳家嶺遇賊千餘殺斃數十名次日復出隊前進遇哮逆帶賊數千鏖戰兩時殲其前鋒數十哮逆騎馬先遁羣賊遂潰悍賊數萬揚聲撲營前隊及灣里周村一帶韓進春分三路迎敵殺賊甚多後隊援

賊踵至併力死鬪我軍少卻韓進春督兵突陣
手刃騎賊五名賊遂大敗該逆經此大創不敢
再窺饒郡由洋塘潛出高沙坂一帶漸有東趨
之勢王德榜已將浮梁城守事宜安置妥貼建
德後河尙有僞愛王一股跟蹤而上其勢寡弱
不過數千彭澤都昌鄱陽各團尙能互相聯絡
臣惟有嚴飭各軍相機堵剿均奏入

上命議政王軍機大臣傳諭左宗棠沈葆楨曰首逆
李秀城之黨自杭嘉興合醜類援救富陽經藩司
蔣益澧等痛加剿擊兇燄稍衰左宗棠現在添造
長龍戰船並檄調甯波水師駛進錢塘江助剿著
卽嚴飭水陸各軍合力進剿迅拔堅城務將此股
悍賊悉數殲除勿留餘孽其竄擾徽休之賊節經
臬司劉典督率兵勇先後在巖寺街潛口等處迎

擊殺斃無算退竄太平黟縣其圖竄祁門之賊亦
經道員王文瑞督率丁長勝等以少擊衆疊獲奇
捷殺斃逆匪甚多追出嶺外微防可期穩固惟各
股逆賊屬聚休祁一帶原圖竄越江西現雖擊退
而績溪旌德太平石埭等縣尙爲賊踞敗賊復竄
回建德饒郡之防殊爲喫緊韓進春率勇在陳家
嶺灣里周村一帶奮力攻勦賊由洋塘東趨尙有

僞愛王一股由建德後河跟蹤而上彭鄱各縣鄉團雖尙能聯絡而賊勢太多蔓延太廣必須厚集兵力方可掃蕩羣兇著沈葆楨督飭在防員弁認真堵剿並激勵各屬團勇就近策應以輔官軍所不逮饒廣爲浙軍後路關繫緊要此時賊匪分道竄徧江西王德榜一軍尙恐兵力不厚並著左宗棠妥籌兼顧如皖事稍鬆卽飭劉典等軍無分畛

域相機援剿俾該逆不能竄越浮景方爲妥善所
有微休陣亡之參將張顯榮守備左萬明金友成
均著交部從優議卹其富陽陣亡守備王宗元著
交部從優照遊擊例議卹署布政使麟趾湖州府
知府瑞春據左宗棠奏訪聞於城破時殉難仍著
查明該員等死事詳細情形具奏再降諭旨道員
遲福湖州紳士道員趙景賢有無下落並著該督

一併查明據實奏聞

上諭內閣曰浙江學政刑部侍郎張錫庚於杭州城陷後見危授命大節凜然業經降旨照尙書例賜卹著再加恩予諡按察使甯曾綸著照按察使例從優議卹張錫庚甯曾綸並著入祀浙江省城昭忠祠湖州協副將鄂爾霍巴固守湖州府城屢挫賊鋒城陷後闔室自焚尤屬慘烈著照副將例從

優議卹並於湖州府城建立專祠以彰忠藎

同日署廣西提督江忠義奏言臣於三月初八

日拔營前赴粵西前隊總兵黃仁遺等五營計

期已抵廣西省城臣途中接奉

諭旨令赴皖省卽檄調抵粵各營旋楚俟各營旋師

卽行就道不敢稍事遲延至臣部應由何路進

取自當聽候曾國藩調遣

江忠義又奏冒 臣奉

命赴皖本不應率冒他事而審度時勢之機宜有不
敢自甘緘默者請爲

皇上敬陳之 臣自去秋蒙

恩署理貴州提督經毛鴻賓奏請飭 臣赴任及 臣陳

請赴黔而毛鴻賓又力請留 臣專辦蓮塘股匪

嗣兩江督 臣曾國藩奏調 臣軍赴皖毛鴻賓又

請令臣赴粵復蒙

恩留辦廣西軍務署理提督毋庸再行赴皖是以臣
卽拔營起程茲毛鴻賓以欽奉

諭旨詢其前後陳請異辭奏請

飭臣赴皖

皇上以臣舊部次第拔回新甯故

允所請今臣軍抵粵則情形旣異辦理自殊惟查曾

國藩原奏係調臣舊部三千嗣奉

諭旨飭增募一二千名臣因赴粵故飭臣部道員席
寶田募勇三千赴皖該道增募近四千人又湖
南提臣周寬世亦經會國藩令其募勇六千前
往是援皖之師足資調遣儘仍兵力單薄如在
籍道員趙煥聯所部湘勇近六千人令其赴皖
尤爲便捷此外如總兵王永章李明惠周洪印

臬司陳士杰道員吳士烈知府戈鑑各軍亦無妨酌爲抽調臣昨准兩廣督臣晏端書咨稱奏調臣軍會勦高州股匪該督所陳兩粵緊要情形不容緩圖廣東地方完善財賦甲於東南現在江浙山陝膏腴之地均經蹂躪計各省軍旅所費均不能不籌畫於廣東是論共見之跡則皖急於粵而論遠大之計則粵重於皖在毛鴻

賓奏飭臣軍赴皖亦謂先其所急今臣軍旣已抵粵皖粵相距三千餘里軍行須數月方達亦必不能濟其急矣而廣東陳金剛一股實屬著名悍賊以百戰之健將卓興率萬餘之衆百計進取師老無功是其伏伺待釁不獨爲兩粵之隱憂若非增調重兵分途擊勦則日久必成巨患蔓延將不可收拾此輕重利害所宜熟思而

審處者也臣效力馳驅此身原非己有今既奉
旨赴皖雖臣軍抵粵不敢不爲赴皖之計其在新甯
各營自應毋庸赴粵擬取道衡州進發其抵桂
林各營飭其旋赴永州緣臣昨接晏端書函係
令臣軍徑赴肇慶曾國藩函係令臣軍如有船
隻則徑赴九江如無船隻則取道江西瑞州查
衡永係適中之地無論赴廣東江西安徽均爲

便道計由新甯檄調在粵各營並各營由粵旋
楚往返道途已在一月之後而晏端書之摺及
臣此次陳奏均當奉到

諭旨不至有誤師期愚昧之見仰候

聖裁奏入

上命議政王軍機大臣傳諭曾國藩毛鴻賓江忠義
曰前因江皖軍情緊要屢命江忠義赴粵之師東

行赴皖茲據江忠義奏該營已次第赴粵旋奉赴
皖之命已檄調頭隊五營旋楚俟兵齊卽行就道
惟廣東高州賊勢甚熾屢接晏端書函催亦當力
籌保全各等語現在援皖之師既有席寶田周寬
世新募各軍諒已可資分布而廣東陳金剛一股
蔓延日久若與潯郡各匪勾結一氣必爲兩粵巨
患江忠義所部頭隊五營此時計已前抵桂林若

再檄調回楚不特爲期迂緩無補皖事之急且得
力勁旅僕僕道途亦屬非計江忠義著無庸赴皖
卽日率領各營前赴粵省酌量賊勢重輕先其所
急相機剿辦至席寶田一軍現在行抵何處並著
曾國藩毛鴻賓催令剋日遄行應由何路進取規
賊所向實力迎剿之處著曾國藩相機調遣湖南
現在四境無警其駐守省垣之趙煥聯一軍及總

兵王永章等臬司陳士杰知府戈鑑所部各營何員可以調令援皖著曾國藩與毛鴻賓隨時咨商辦理毋誤事機

初九日
乙酉西安將軍穆騰阿陝西巡撫瑛瑩奏

言漢中府城雖有盧又熊徐邦道諸軍及通江團練保護然近日又添悍賊數萬終恐未能得手隨派護鎮陳天柱等往援穆懷德分路衝過

賊營二月二十三日趕入郡城會同道員張守
岱等及城外各軍進攻東南朝天宮等處賊巢
斃賊七百餘名三月初七日望見該逆萬餘在
東北角大肆猖獗卽集各營迎擊力戰數時逆
勢不支紛紛敗退跟蹤追剿現在僞啟王梁逆
上竄沔縣僞天將倪李二逆進擾褒城僞遵王
賴逆僞扶王陳逆僞端王藍逆仍各盤踞郡城

附近各路察看情形必須先取東關庶幾城圍
可解郡城兵勇雖多半係新投兼之營分不一
統率無人當將盧又熊及南鄭縣所報通江團
練健威各營均歸南鄭縣周蕃壽統率其徐邦
道穆懷德各軍均歸陳天柱親督庶號令畫一
不敢推諉毛震壽自駐城固屢挫兇鋒惟髮逆
聲勢甚大我軍因衆寡懸殊未能得手而川匪

藍張二逆尤形猖獗現在分踞寶山斗山意在
必得城固城固若失漢中難守毛震壽必須親
駐城固相機防勦臣思漢中關繫秦蜀兩省門
戶被圍日久雖屢次獲勝究因賊勢太衆未能
剋期殲盡多隆阿旣難分兵省城更無從籌撥
臣咨駱秉章嚴催周達武迅帶數營就近援勦
會合掃蕩又飛飭漢中各文武加意嚴防以待

援軍並許從優請獎激勵其心前蒙

飭令李雲麟並道員梁作楫迅速赴漢勦賊迄今尙
無信息惟有懇

恩飭催來秦以解漢郡之圍大局幸甚奏入

上命議政王軍機大臣傳諭官文略秉章嚴樹森曰
漢中被圍日久現在僞啟王梁逆等分竄沔縣褒
城賴陳藍諸逆盤踞漢中郡城附近各路川匪藍

張二逆復分踞寶山斗山以伺城固情形岌岌可
危官文等前已遵飭李雲麟率師援陝著卽迅飭
統率所部星馳前進速解漢中之圍並著駱秉章
仍飭周達武一軍就近援剿會合陝鄂諸軍力圖
掃蕩以靖鄰氛

同日沈葆楨奏言休北藍田小溪之賊經王沐
會浙師剿洗紛竄鄠縣四五等都並蔓延黃土

坑等處不特山濶亭赴祁路梗且有乘虛南竄之勢王沐令王安敦等力勦此路以通祁門之氣卽出隊至枏木嶺遇賊蟻擁而來我軍立斃騎賊數十追至橫路頭賊忽分竄左右山谷我軍斃悍賊百餘賊復向雙溪流而遁王安敦等繞出左路之李坑口一帶搜殺百餘名忽有另股由枏木嶺擾及李村王安敦等又斬馘二百

餘名卽督軍直攻金字牌劉志友由李村進剿
高嶺腳會於雙溪流王沐卽進紮橫路頭接應
詎金字牌一股先遁其館於高嶺腳及雙溪流
嶺內者亦均潰歸黟縣老巢浙江臬司劉典親
至漁亭約攻黟縣繼果營由桃源洞進劉典由
千里山進王安敦駐橫路頭以杜南竄谷進祿
等專防胡葉等村之賊抄我後路王沐自督親

兵出桃源洞抵石山街該逆於石山橋下設卡
王沐令劉志友由中路攻卡王萼由右路旁擊
而卡右山岡望棚賊隊林立非先毀望棚卡不
能下王沐乃大聲疾呼先登者有賞將士勇氣
百倍肉薄齊登遂同時攻破賊分左右潰走城
賊亦傾巢出援劉典當其左王沐當其右鏖戰
一時當將黥城收復王萼賀心田向右路追殺

忽有巨股回撲王沐劉典擊卻之劉志友搜城中餘匪追出北門轉入山谷伏賊四起劉典更以親兵助之伏賊始退右路潰出羊棧嶺左路潰出方干嶺其南竄橫路頭與葉村胡村之賊均經王安敦等勦敗計斬賊目五名餘匪五六千名生擒五百餘名解散甚夥臣查該逆垂涎江右自皖之績溪西至饒境橫互數百里號稱

欽定四庫全書
卷一百一十五
三十
數十萬幾於防不勝防浙江撫臣左宗棠飭劉
典馳援血戰而前所向披靡今賴

國家威福克復堅城保障兩江厥功甚偉王沐一
軍始則獨當一面連獲全勝茲復協力苦戰迅
奏膚公除劉典所部應由左宗棠查明辦理外
所有出力之同知直隸州知州王沐懇

恩以知府仍留江西儘先補用並

賞給勇號其在事員弁勇丁容查明另行請獎

沈葆楨又奏冒韓進春一軍於三月十八日遇
有股匪糾集萬餘人來撲韓進春派隊奮力衝
之賊著黃失措我軍跟追數里陣斬數十名現
在連日來營乞降者已百餘名聞其尾隊復由
石門竄向建德其大股仍在時山許家山一帶
自黔縣克復祁門解圍賊勢頓孤軍心益奮據

段起報稱於二十一日赴梘田街察看地勢擬
與韓進春會商進剿奏入

上命議政王軍機大臣傳諭左宗棠沈葆楨曰逆匪
垂涎江右自皖之績溪西至饒境橫亙數百里王
沐一軍屢戰屢捷茲復會同左宗棠所派之劉典
一軍克復堅城徽境漸可肅清江防賴以保障實
屬異常出力惟黟縣克復之後餘匪潰出羊棧嶺

方干嶺現已歸併何處恐其再來撲城著左宗棠
沈葆楨飛飭劉典王沐等四面搜擒務將祁夥一
帶零匪除盡無任再有勾結段起現赴規田街擬
與韓進春會勦刻下夥縣已復祁門解圍軍威益
振賊勢日孤該撫卽催令韓進春等迅將大股賊
匪認真掃蕩以安邊境

上諭內閣曰安徽賊匪踞守夥縣並分黨竄擾黃土

坑等處經沈葆楨派同知直隸州知州王沐督軍
與左宗棠援皖之師分路進剿賊衆潰敗當將該
縣城池克復所有尤爲出力之同知直隸州知州
王沐著以知府仍留江西補用並賞給懋勇巴圖
魯名號其餘在事出力員弁兵勇著准其擇尤保
奏